



1. fundur aðalstjórnar Vestra starfsárið 2025-2026

Haldinn mánudaginn 20. október 2025 kl. 17.30 í fjarfundi

Mætt voru: Guðfinna Hreiðarsdóttir, Heba Dís Þrastardóttir, Hlynur Reynisson, Þorsteinn Másson, Þóra Marý Arnórsdóttir og Gísli Jón Hjaltason.

- 1. Stjórn skiptir með sér verkum.** Á síðasta aðalfundi sem haldinn var 28. apríl á þessu ári urðu þær breytingar í aðalstjórn að Heiðrún Tryggvadóttir fór úr stjórn og Þorsteinn Másson var kjörinn í hennar stað. Guðfinna Hreiðarsdóttir var kosin til að gegna embætti formanns áfram. Á þessum fyrsta stjórnarfundum sem haldinn er eftir aðalfund lagði Guðfinna fram tillögu um að Guðni Guðnason verði áfram gjaldkeri, Heba Dís Þrastardóttir varaformaður og Hlynur Reynisson ritari. Tillagan samþykkt samhljóða.
- 2. 10 ára afmæli Vestra.** Formaður ræddi 10 ára afmæli félagsins þann 16. janúar á næsta ári og þær hugmyndir sem fram hafa komið um hvernig halda megi upp á þau tímamót. Á formannafundi félagsins fyrr á árinu var ákveðið að fá ísfrska tónlistarmanninn Þormóð Eiríksson til að semja stuðningsmálag fyrir félagið og mun það vera í vinnslu. Þá hefur verið rætt um að halda sérstakan Vestra-dag þar sem allar deildir myndu kynna starfsemi sína. Ákveðið að ræða málið frekar á næsta formannafundi.
- 3. Bókhaldskerfi fyrir deildir Vestra.** Formaður sagði frá því að félagið hefði keypt aðgang að DK bókhaldskerfinu og eiga gjaldkerar deilda nú sjálfir að færa sitt bókhald. Ef þeir treysta sér ekki til þess þá er hægt að láta Endurskoðun Vestfjarða sjá um þá vinnu en kostnaðurinn fer þá beint á viðkomandi deild. Að mati gjaldkera félagsins, Guðna Guðnasonar, þá getur þetta fyrirkomulag sparað félaginu um eina milljón króna á ári en bókhaldskostnaður hefur hækkað verulega undanfarnin ár og nauðsynlegt að grípa til aðgerða til bregðast við því.
- 4. Fyrirspurn ríkisskattstjóra um greiðslur og hlunnindi til íþróttamanna.** Formaður greindi frá því að 3. október sl. hefði Íþróttafélaginu Vestra borist erindi frá ríkisskattstjóra þar sem ítrekuð er skylda íþróttafélaga til að standa skil á staðgreiðslu og tryggingagjaldi til íþróttamanna og þjálfara. Ennfremur var óskað eftir upplýsingum um greiðslur og hlunnindi íþróttamanna og þjálfara hjá félögum sem eiga lið í efstu deildum í tilteknum boltaíþróttum. Eitt lið hjá Vestra féll undir skilgreiningu ríkisskattstjóra, meistaraflokkur karla í knattspyrnu.

Á undanförunum mánuðum hefur ríkisskattstjóri sent erindi til upplýsingar og gagnabeiðni til íþróttafélaga vegna skattamála, bæði varðandi tekjuskatt og virðisaukaskatt. Á sama tíma hafa ýmsar tillögur og hugmyndir verið ræddar er varða skattalegt umhverfi íþróttahreyfingarinnar. Í febrúar á þessu ári óskaði ÍSÍ eftir því að settur yrði á stofn starfshópur á vegum fjármála- og efnahagsráðuneytisins. Hópurinn var formlega skipaður þann 28. ágúst sl. og er skipaður þremur starfsmönnum ráðuneytisins og tveimur fulltrúum íþróttahreyfingarinnar. Hlutverk hans skv. skipunarbréfi er að vinna greiningu á helstu reglum sem gilda um skattaleg réttindi og skyldur þeirra

aðila sem hafa með höndum íþróttastarfsemi á Íslandi. Miðað er við að hópurinn skili þessari greiningu og eftir atvikum tillögum eigi síðar en 30. apríl 2026.

Af þeim greiningum sem þegar hafa verið unnar er ljóst að íþróttahreyfingin er ekki rekin í hagnaðarskyni og ef einhver ágóði verður af starfi félaga er honum ráðstafað til að efla starf þeirra enn frekar. Þá lifir íþróttahreyfingin ekki án öflugs sjálfbóðaliðastarfs, hvort sem um er að ræða starf tengt yngri flokkum, forvarnar- og lýðheilsuhlutverki fyrir börn og fullorðna eða afreksstarfi meistaraflokka og landsliða. Í því ljósi er nauðsynlegt að hreyfingin búi við skýra, einfalda og sanngjarna skattlagningu og er það markmið þeirrar vinnu sem nú er í gangi að tryggja að svo verði.

5. Ákvörðun um tímasetningu og dagskrá formannafundar Vestra. Ákveðið að stefna á fund með formönnum deilda miðvikudaginn 19. nóvember.

6. Önnur mál. Engin önnur mál rædd.

Fleira ekki gert og fundi slitið kl. 19.00 .